

明倫彙編 家範典

中國通志卷之二十一 藝文志

光緒二十五年（一八九九年）
雍正御宗州志



中國地方志集成

雲南府縣志輯 ⑱

光緒重刊益州志(二)

雍正師宗州志

鳳凰出版社 ● 上海書店 ● 巴蜀書社

靈州志卷四

人物

鄉賢
文孝
方技
仙釋

官績
選舉

卓行
直監

忠義
例職

孝義
封廕

壽民
獻寶

古大猷最經先民是程先民之重等於大猷也雖無
老成人尚有典型老成之重甚於典型也世或博綜
往代謂古今人不相及然與古為鄰取則不遠遺踪
具在不可跂而及乎況士大夫夙化為懷而不使潛
德幽光彪炳宇宙非惟終負前哲抑何以激勵將來
爰即耳目所及蒐輯懿行畧其真之顯晦惟期有補

綱常而已忘人物鄉賢忠孝選舉飲賓方技仙釋並

附焉

鄉賢

明

李珉成化進士

繆良玉正德舉人

繆文龍嘉靖進士

尹嘉俊事詳忠烈

孫繼魯字道甫本州松昭關人少負奇實書史過目

不忘登嘉靖癸未進士知豐州以他事避怒已者乞
為學官改國子監助教歷戶部郎中出知衛輝府未
幾調淮安府中貴衛命督江甯織造擅作威福繼魯
輿之抗中貴怒譖訴於上逮至京執政為之解罪止
調官既免弗謝調黎平府能以德化感格叛苗陞湖
廣提學副使每從帖括相士數語盡其生平合若左
券晉山西左叅政分守冀南絕宗人以法及陞本省
按察使宗人數百要於路發其裝惟布袍敝履他無
所蓄驚曰高皇帝以來罕見此官相與載酒偕士民

追送之至任益飭法約束舍人子自宗潢以及百姓咸願久於其任尋晉右副都御史巡撫山西以邊事與總督翁萬達意不合為文誓於神慷慨忠義益於言表因各陳所見交上封事時軍先急達而後繼魯遂被誣下獄讀易賦詩矢死不屈園中無楮筆日用飯粥盡壁與同時得罪御史楊爵福和百餘首名版盈集知公者以百口直之而時宰怒不解竟以疽發卒獄中山西士民哭於長安者數百人穆宗即位從言官請贈兵部左侍郎諡清愍賜祭葬為由昆明學

登第故省城亦記之鄉賢

陶康字介夫登嘉靖己丑進士歷官九江知府有

惠政卒於官

吳蘭郡人登嘉靖戊戌進士仕至國子監司業學

問精博課程有法諸生奉為楷模入鄉賢

本朝

彭世勳歲貢生安徽青陽縣知縣彭輔周之父性孝

友移建文廟始終襄事凡學校有盛舉及地方有

利害興除之事不避嫌怨不憚辛勤倡賞買田存安

樂寺中以作施棺之費嗜學至老彌篤年八十一無疾而終

雷 豫歲貢生遷易門縣訓導事繼母孝遇水厄獲免弟試拾金不昧子秉義州增生長孫汝霖乾隆乙卯科舉入次孫時霖郡貢生曾孫芬乾隆戊申科副榜孫曾蔚起世繼書香皆公之所致云

尹 琛字子琳家貧力學日則傭工養親夜則就館從師入泮後格守臥碑訓誨有則州人士多出其門子逢泰歲貢生孫駿曾孫訓甲俱優廩生世以教讀

為業不廢公庭鄉里重之

馮錦章字文若邑增生援例授州同職孝友性成
子晉思作令粵東時以忠君愛民諄諄誨迪生平謹
言慎行實德閑修不求人知暇時恆以學與躬三字
訓子孫墨屏封贈文林郎奉直大夫祿養十餘年
為鄉里所稱仰年以十三卒

仇策州城東門內人父歿時母多弱疾弟英年甫
八齡策曲盡友愛延師訓誨俾弟遊庠成立英授室
析居後策常分多潤寡母心歡悅弱疾漸愈壽至九

十有二鄰里欽其孝友欲呈請旌獎學博李公舉以
鄉賓策皆固辭生平樂善好施喜排爭忿子北慶舉
慶孫九如俱州庠生里人以為忠厚之報續志

官績

何 恆字一德號立軒州東南呂家屯人由乾隆辛
卯科舉人嘉慶初截取福建邵武府泰甯縣知縣在
任八年凡勸農興學罔不以身先之時有民人搆累
已致兵勦公竭力調護得以轉亂為治且祠訟一切
不妄取民錢民以清官目之為製衣傘後因流犯道

走被議公遂以親老歸養致仕臨行士民知其囊無
長物捐數百金為贐歸數載病卒年七十三歲

馮晉恩字懋修號勉齋城西街人性篤孝友勤讀工
文由嘉慶癸酉科選拔貢生朝考以知縣用籤分廣
東歷任龍川信宜新安合浦翁源曲江等縣廣州海
防前山同知任前山同知時漢夷嗎啼呢喃殺漢民
香山縣令蔡夢麟以日乃往驗嗎啼呢喃先令人送
守山僻遇覓藥者至執以為殺人夢麟聽夷人言提
屍親漢民以夷人進賄聞然憤與夷人鬥復斃一人

幾激變馮晉思素得民心極力調護其間民情始定
乃置鳴榔詭囑於法香山志補授信宜縣知縣旋丁艱
還里纂修本邑續志起服赴省以前在粵有保薦升
任德慶州知州歷任海豐東莞縣南雄直隸州韶州
府均有政聲道光三十年引疾歸里優游林下十餘
年主講曲陽書院龍華書院勤心教讀不履公庭邑
人敬服同治元年九月疾終耆八十歲著有分韻分
類試帖稿

吳鍾字晚林婁家山人由道光乙酉選拔就職州

判推升知縣歷署四川德陽昭化梓潼什邡安縣循
吏有聲補授太平縣甫下車即以興利除害為要凡
有興作擇可而勞不待稟呈而工已動每日黎明即
起批閱呈詞隨問隨決案無留牘如興水利於建昌
決大獄於法審其驗也課士必親詣書院講論不輟
且捐廉買置張補山所鐫皇朝經世文天問閣文集
登壇必究等書以備觀覽民間耕歛時常循行阡陌
勸課農桑有甘棠蔽芾之風在任九年卒於官太民
巷哭者累日罷市者旬餘思慕不置特於城隍殿之

西隅構像祀之有事輒問休咎焉越二年城陷賊首
藍天順入城撫其像而嘆曰使天下官盡能如此人
吾等何敢犯順耶因其牲帛酒醴詣祠致祭且撥人
衛護其家其仁聲之入人至於如此

曾懷才哉而十字路入鄉飲大賓由貢生選授大姚
縣教諭年已八十三懷才素履端方教誨鋤口窮困
自安不輕干人赴教諭任一以忠厚化人遇寒士量
力提携勸由正道在任六年壽八十九歲以疾卒吊
唁之士空門儀感旋反喪奠送於途者不絕題贈對

帳頗多

彭輔周字相東號筠溪城西十字路人乾隆己酉選
拔朝考援例任雲南縣教諭訓士勤敏技課殷懃以
卓異升安徽青陽縣知縣地多水害輔周督開河道
以利民德惠頗著惟性過剛直拂上意奉以上詳冊
旨被議歸家居二十餘載卒年九十七歲

卓行

鄧國樞字芝圃城內西門街人歲貢生子烜廷廩膳
生早卒乾隆六年三營鄉練破石羊回村國樞預有

力為時當事欲招撫力阻不允幾遭禍其後州城卒
為回衆襲踞國樞匿避三營城復還家邑人題以額
曰行端品卓卒年六十歲

黃 縉字栗卿己酉科選拔朝考以教諭歸部選用
性忠直博學通經行止端方父母早逝撫三弟蠟食
糜糠著聲庠序咸豐七年力阻招撫不果明年賊踞
城縉潛逃曲陽憂悶沉痾卒於曲之親舍同治三年
選授貴州教職

張應選字登庸城東門街人歲貢生性篤實平易近

人遇事不避艱險每多倡首邑人稱長者焉年六十餘遷家自縣訓導部文甫到而卒

李元鼎字東橋東南路李家鄉人歲貢生兄和鼎銘鼎幼以文學有聲庠序元鼎性純篤踐履誠確學足以承先而信行為人稱仰教讀城鄉講成後進甚多年六十餘卒至今及門與鄉里猶思慕之

張源字金泉孝廉文瑞父性忠誠與人信輕財尚義貿易平允倘有借欠錢物聽人自償不與較多寡晚年家稍窘精力仍如少壯教子成名孫曾繞膝卒